

15.11.2018 წ.

ქ. თბილისი

ხელშეკრულების მხარეები შპს „ენგურჰესი“, იურიდიული მისამართი: ქ. თბილისი, ა. პოლიტკოვსკაის ქ. N8, მისი ფინანსური დირექტორის ზვიად კილასონიას სახით და შპს „ვარდნილჰესების კასკადი“ მისამართი ქ. თბილისი, ა. პოლიტკოვსკაის ქ. N8, მისი დირექტორის შოთა სანაძის სახით, შემდგომში ორივე ერთად „შემსყიდველად“ წოდებული, ერთის მხრივ და შპს „მენეჯმენტის სისტემები“ იურიდიული მისამართი, ქ. თბილისი, ნ. ბოხუას ქ. #4 შემდგომში „მიმწოდებლად“ წოდებული, მისი დირექტორის ელგუჯა მელაძის სახით, რომელიც ასევე მოქმედებს კომპანიის წესდების შესაბამისად მეორეს მხრივ, შესყიდვების ერთიანი ელექტრონული სისტემით გამოცხადებული ელექტრონული ტენდერის **SPA180007530** საფუძველზე დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ - კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მიწოდებას ხელშეკრულების ფარგლებში.

1.6 „გაწეული მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

2.1. შპს „ენგურჰესისა“ მის შვილობილი კომპანია (კაპიტალში 100%-ანი წილობრივი მონაწილეობით) შპს „ვარდნილჰესების კასკადისთვის“ ამ ხელშეკრულების დანართი #1-ით განსაზღვრული მომსახურების შესყიდვა ISO 9001:2015 - ხარისხის მენეჯმენტის სისტემაში, ISO14001:2015 - გარემოს დაცვის მენეჯმენტის სისტემაში და OSHAS 18001:2007 - კომპანიის შრომის უსაფრთხოებისა და ჯანმრთელობის მენეჯმენტის სისტემაში.

2.2 კლასიფიკატორის კოდია – 73200000

3. ხელშეკრულების ფასი და ანგარიშსწორების პირობები

3.1 სახელშეკრულებო ფასი შეადგენს: 313 000 (სამას ცამეტიათასი) ლარს ყველა ხარჯისა და კანონით გათვალისწინებული გადასახადის ჩათვლით;

3.2. ანგარიშსწორების ფორმა უნაღდო ანგარიშსწორება;

3.3 ანგარიშსწორება ხორციელდება შემდეგი რიგითობით:

3.3.1 ანგარიშსწორება ხორციელდება ეტაპობრივად, ინსპექტირების ჯგუფის მიერ შესაბამისი ეტაპით გათვალისწინებული მომსახურების თაობაზე მიღება-ჩაბარების აქტის შედგენიდან 5 სამუშაო დღის ვადაში, კერძოდ:

- პირველი ეტაპი - გაპ ანალიზის შემუშავება;
- მეორე ეტაპი - სტანდარტების დანერგვა,
- მესამე ეტაპი - სერთიფიცირება.

3.3.3 საბოლოო ანგარიშსწორება მოხდება ინსპექტირების ჯგუფის მიერ საბოლოო მიღება-ჩაბარების აქტის გაფორმებიდან 5 სამუშაო დღეში.

3.4. სახელშეკრულებო ღირებულების ანგარიშსწორების 80%-ს განახორციელებს შპს „ენგურჰესი“, 20%-ს შპს „ვარდნილჰესების კასაკდი“.

3.5 შემსყიდველი მიმწოდებელს მოთხოვნის შეთხვევაში, საავანსო თანხის იდენტური ოდენობის უპირობო და გამოუხმობი საავანსო საბანკო გარანტიის წარმოდგენის საფუძველზე, მისი წარმოდგენიდან 5 სამუშაო დღის ვადაში გადაუხდის საავანსო თანხას შემდეგი პროპორციით:

- გაპ ანალიზის შემუშავებისთვის - გაპ ანალიზისთვის განკუთვნილი თანხის არაუმეტეს 30 %-ს.

- სტანდარტების დანერგვისთვის - სტანდარტების დანერგვისთვის განკუთვნილი თანხის არაუმეტეს 30%-ს.

- სერთიფიცირებისთვის - სერთიფიცირებისთვის განკუთვნილი თანხის არაუმეტეს 30%-ს.

3.6 შემსყიდველის მიერ ავანსად გაცემული თანხის გათავისუფლება განხორციელდება ეტაპობრივად, მოწოდებული საქონლის ღირებულებისა და საბანკო გარანტიის პროცენტული ოდენობის პროპორციულად, მომსახურების გაწევის დამადასტურებელი მიღება-ჩაბარების აქტის საფუძველზე, გარდა საბოლოო მიღება-ჩაბარების აქტისა, ამ შემთხვევაში ხდება საბანკო გარანტიის სრულად გათავისუფლება, რის შემდეგაც გარანტიის დაბრუნება განხორციელდება მიმწოდებლის წერილობითი მოთხოვნის საფუძველზე. წარმოდგენილი საბანკო გარანტიის მოქმედების ვადა 30 დღით უნდა აღემატებოდეს ხელშეკრულების მოქმედების ვადას.

4. მომსახურების გაწევის ადგილი, ვადები და პირობები.

4.1 მომსახურების გაწევის ადგილია:

- ა) აფხაზ ეთი, გალის რ-ნი, დას. საბერიო შპს „ენგურჰესი“;
- ბ) ქ. ჯვარი, დას. ფოცხო-ეწერი, შპს „ენგურჰესის“ თაღოვანი კაშხალი;
- გ) ქ. ზუგდიდი, რუსთაველის ქ. #90, შპს „ენგურჰესი“-ს ოფისი;

დ) ქ. თბილისი, ა. პოლიტკოვსკაიას #8, შპს „ენგურჰესი“-ს ოფისი;

ე) გალის რაიონი დას. რეჩხი შპს „ვარდნილჰესების კასკადი“

4.2 მომსახურების გაწევის ვადაა: ხელშეკრულების გაფორმებიდან 450 კალენდარული დღე.

5. შესყიდვის ობიექტის მიღება-ჩაბარების წესი

5.1. მიმწოდებლის" მიერ წინამდებარე ხელშეკრულებით განსაზღვრული ყოველი ეტაპით გათვალისწინებული მომსახურების დადასტურება ხორციელდება მიღება-ჩაბარების აქტით;

5.2 „მიმწოდებლის" მიერ მომსახურების გაწევის დასრულების შემდეგ, მხარეები აფორმებენ საბოლოო მიღება-ჩაბარების აქტს,

6. მხარეთა უფლება-მოვალეობანი

6.1 "მიმწოდებელი" კისრულობს ვალდებულებას: -

მკაცრად დაიცვას მომსახურების გაწევის სახელშეკრულებო ვადები, უზრუნველყოს სათანადო ხარისხი;

- განიხილოს შემსყიდველის ყველა პრეტენზია და მიაწოდოს მოტივირებული პასუხი ყველა საკითხზე და დაუყონებლივ უზრუნველყოს აღმოჩენილი ხარვეზის გამოსწორება.

6.2. მიმწოდებელი უფლებამოსილია: მოითხოვოს სახელშეკრულებო თანხის დროულად ანაზღაურება.

6.3. "შემსყიდველი" კისრულობს ვალდებულებას: - მომსახურების გაწევის შემდეგ ანაზღაურება განახორციელოს ხელშეკრულების მე-3 პუნქტით გათვალისწინებულ ვადაში.

6.4. შემსყიდველი უფლებამოსილია: განახორციელოს ისპექტირება

6.5. მხარეები კისრულობენ ვალდებულებას აუნაზღაურონ ერთმანეთს წინამდებარე ხელშეკრულებით მიყენებული ზიანი, მოქმედი კანონმდებლობის შესაბამისად.

7. ხელშეკრულების შესრულების კონტროლი

7.1. მომსახურების გაწევის მიმდინარეობის კონტროლს განახორციელებს ხარისხის მართვის სამსახურის უფროსი გიორგი ვეკუა.

8. მხარეთა პასუხისმგებლობა ხელშეკრულების პირობების შეუსრულებლობისას

8.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია გავიდეს ხელშეკრულებიდან კანონით გათვალისწინებული პირობების გათვალისწინებით.

8.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით ან არაჯეროვანი შესრულებით.

8.4 შემსყიდველი უფლებამოსილია მომსახურების გაწევის ვადის გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ დღეზე სახელშეკრულებო თანხის 0.02 პროცენტის ოდენობით. ასევე ხელშეკრულებით გათვალისწინებული სხვა ვალდებულების არაჯეროვანი შესრულებისთვის დააკისროს მიმწოდებელს პირგასამტეხლო კონკრეტული ეტაპისთვის გათვალისწინებული თანხის (გადახდილი ან გადასახდელი) 0.02%.

8.5 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე, გადაუხდელი თანხის 0.02 პროცენტის ოდენობით.

8.6 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 პროცენტს, მეორე მხარეს უფლება აქვს უარი თქვას ხელშეკრულებაზე.

9. ხელშეკრულების პირობებისა და ფასების გადასინჯვა

9.1. ყველა დამატება ან შესწორება ამ ხელშეკრულების ირგვლივ ძალაშია მხოლოდ იმ შემთხვევაში, თუ ისინი ხელმოწერილი და დადასტურებულია ორივე მხარის მიერ.

9.2. მხარეებს შეუძლიათ უარი თქვან ხელშეკრულებაზე, თუ მეორე მხარე არ ასრულებს სახელშეკრულებო პირობებს. ხელშეკრულებაზე უარის თქმის ინიციატორი მხარე დაუყოვნებლივ ატყობინებს მეორე მხარეს უარის თქმის შესახებ მიზეზის მითითებით.

9.3 ფასთა ცვლილება განიხილება მომსახურების მოცულობაში ცვლილებების შემთხვევაში. საქართველოს სამოქალაქო კოდექსის 398 მუხლით გათვალისწინებული გარემოებების დადგომის შემთხვევაში, მაგრამ არუმეტეს სახელშეკრულებო თანხის 10%-ისა.

10. ხელშეკრულების შესრულების შეფერხება.

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

11. ფორს-მაჟორი

11.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით გარემოებათა დასრულების შემდეგ.

11.2 თუ სახელშეკრულებო ვალდებულების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

11.3 მხარე, რომელსაც შეექმნა ფორს-მაჟორი გარემოება, დაუ ყოვნებლივ აცნობებს მეორე მხარეს ამის შესახებ.

12. ხელშეკრულების შეწყვეტა

12.1 წინამდებარე ხელშეკრულება შეიძლება ვადამდე შეწყდეს:

- ა) ორმხრივად წერილობითი შეთანხმებით ნებისმიერ დროს;
- ბ) კანონით გათვალისწინებულ სხვა შემთხვევებში.

13. ხელშეკრულების შესრულების გარანტია

13.1 ხელშეკრულების შესრულების უზრუნველყოფის მიზნით მიმწოდებელის მიერ წარმოდგენილი ხელშეკრულების ღირებულების 3%-იანი უპირობო და გამოუხმობი საბანკო გარანტია გამოიყენება ნებისმიერი ზარალის ანაზღაურების (მათ შორის 8.4 მუხლით გათვალისწინებული პირგასამტეხლო) მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

13.2 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულებას 3%-იანი საბანკო გარანტიის მოქმედების ვადა უნდა აღემატებოდეს ხელშეკრულების 15.1 პუნქტით განსაზღვრული ხელშეკრულების მოქმედების ვადას 30 (ოცდაათი) კალენდარული დღით.

13.3 იმ შემთხვევაში, თუ მიმწოდებელი უზრუნველყოფს ხელშეკრულების ნაკისრი ვალდებულებების სრულად შესრულებას ან ხელშეკრულების მოქმედებას შეწყდება მიმწოდებლისგან დამოუკიდებელი მიზეზით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს გარანტიის დაუყოვნებლივ დაბრუნება.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი

მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

15. ხელშეკრულების მოქმედების ვადა

15.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 5 მარტის ჩათვლით.

16. მხარეთა იურიდიული მისამართები და რეკვიზიტები

"შემსყიდველი"

შპს "ენგურჰესი"

იურიდიული მისამართი: ქ. თბილისი.

ა. პოლიტკოვსკაის ქ. №8

სს „ვითიზი“ ბანკი ჯორჯია

ს/კ 251716371 ბ/კ UGBGE22

ა/ა GE97VT6600000003403403

ფინანსური დირექტორი

ზვიად კილაშვილი



„შემსყიდველი“

შპს „ვარდნილჰესების კასკადი“

იურიდიული მისამართი, ქ. თბილისი

ა. პოლიტკოვსკაის #8

სს „თიბისი“ ბანკი

ს/კ 251716371 ბ/კ TBCBGE22

ა/ა GE67TB7808236130100002

დირექტორი

შოთა სანაძე



"მიმწოდებელი"

შპს „მენეჯმენტის სისტემები“

მის. ქ. თბილისი,

ნ. ბოხუას ქ. #1

სს „თიბისი ბანკი“

ს/კ 205058131, ბ/კ TBCBGE22

ა/ა GE77TB7879536020100003

დირექტორი

ელგუჯა მელაძე



გასაწევი მომსახურების ფასების ცხრილი (დღგ-ს ჩათვლით ლარში)

მონაწილე პირი: შპს "მენეჯმენტის
სისტემები"
ს/კ: 205 058 131

N	მომსახურების სახეობა	ფასი	კალენდარული დღე
	1	2	3
1	შპს „მენეჯმენტის“-სთვის და შპს „გარდნილპელების კასკადისთვის“ GAP ანგარიში	59930	120
1.1	კომპანიის ხარისხის მენეჯმენტის სისტემის-Quality Management System (QMS) და შიდა მარეგლამენტირებული დოკუმენტაციისა და პროცედურების ISO 9001:2015 სტანდარტთან შესაბამისობის შეფასების აუდიტორული ანგარიში	9000	18
1.2	9001:2015 სტანდარტთან პარამონიზაციის სამოქმედო გეგმის შემოწმება	7500	15
1.3	კომპანიის გარემოს დაცვის მენეჯმენტის სისტემისა და შიდა მარეგლამენტირებული დოკუმენტაციისა და პროცედურების ISO14001 : 2015 სტანდარტთან შესაბამისობის შეფასების აუდიტორული ანგარიში	9000	18
1.4	ISO 14001:2015 სტანდარტთან პარამონიზაციის სამოქმედო გეგმის შემოწმება	7500	15
1.5	კომპანიის შრომის უსაფრთხოებისა და უანაზღვრობის მართვის სისტემის, შიდა მარეგლამენტირებული დოკუმენტაციისა და პროცედურების OHSAS 18001:2007 სტანდარტთან შესაბამისობის შეფასების შიდა აუდიტორული ანგარიში	9000	18
1.6	OHSAS 18001:2007 სტანდარტთან პარამონიზაციის სამოქმედო გეგმა	7500	15
1.7	არაუმეტეს 70 თანამშრომლის ტრენინგი და მსმენელთა სერტიფიცირება	10430	21
2	სტანდარტების დანერგვა	147500	294
2.1	კომპანიაში ISO 9001:2015 სტანდარტთან შესაბამისობის შიდა მარეგლამენტირებული დოკუმენტაციისა და პროცედურების შემოწმება	17000	34
2.2	კონსალტინგი და ზედამხედველობა შემუშავებული ხარისხის მენეჯმენტის სისტემის კომპანიაში დანერგვის პროცესზე	18500	37
2.3	წინასასერტიფიკაციო აუდიტი და ფინალური ანგარიშის მოწმადება კომპანიის სასერტიფიკაციო მზადყოფნის შესახებ	15000	30
2.4	კომპანიაში ISO 14001:2015 სტანდარტთან შესაბამისობის შიდა მარეგლამენტირებული დოკუმენტაციისა და პროცედურების შემოწმება	17000	34
2.5	კონსალტინგი და ზედამხედველობა შემუშავებული ხარისხის მენეჯმენტის სისტემის კომპანიაში დანერგვის პროცესზე	18250	36
2.6	წინასასერტიფიკაციო აუდიტი და ფინალური ანგარიშის მოწმადება კომპანიის სასერტიფიკაციო მზადყოფნის შესახებ	15000	30
2.7	კომპანიაში OHSAS 18001:2007 სტანდარტთან შესაბამისობის შიდა მარეგლამენტირებული დოკუმენტაციისა და პროცედურების შემოწმება	17000	34
2.8	კონსალტინგი და ზედამხედველობა შემუშავებული ხარისხის მენეჯმენტის სისტემის კომპანიაში დანერგვის პროცესზე	18250	36
2.9	წინასასერტიფიკაციო აუდიტი და ფინალური ანგარიშის მოწმადება კომპანიის სასერტიფიკაციო მზადყოფნის შესახებ	11500	23
3	შპს „მენეჯმენტის“-სთვის სერტიფიცირება	105570	36
3.1	ევროპული აკრედიტაციის მქონე პარტნიორი ორგანიზაციის სასერტიფიკაციო აუდიტი, კომპანიისთვის 9001:2015 შესაბამისობის სერტიფიკატის მიწოდება	35190	12
3.2	ევროპული აკრედიტაციის მქონე პარტნიორი ორგანიზაციის სასერტიფიკაციო აუდიტი, კომპანიისთვის ISO14001:2015 შესაბამისობის სერტიფიკატის მიწოდება	35190	12
3.3	ევროპული აკრედიტაციის მქონე ორგანიზაციის სასერტიფიკაციო აუდიტი და კომპანიისთვის OHSAS 18001:2007 შესაბამისობის სერტიფიკატის მიწოდება	35190	12
	ჯამი	313000	450
	მათ შორის დღგ	47745.76	

უფლებამოსილი პირის ხელმოწერა და არსებობის
შემთხვევაში ბეჭედი:



878/102-01

საბანკო გარანტია # 2078795-10203543

ქალაქი თბილისი

2018 წლის 14 ნოემბერი

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი ნინო წერეთელი, მოქმედებს რა წესდებისა და საქართველოს კანონმდებლობის საფუძველზე, გასცემს წინამდებარე გარანტიას ქვემოთ წარმოდგენილი ძირითადი პირობებით:

გარანტი: სს "თიბისი ბანკი"
პრინციპალი: შპს "მენეჯმენტის სისტემები"
საიდენტიფიკაციო ნომერი: 205058131
რეგ. თარიღი: 11/03/2005
შპს „ენგურესი“
9 500.00 (ცხრა ათას ხუთასი) ლარი
ბენეფიციარი: „ბენეფიციარს“ და „პრინციპალს“ შორის შპს „ენგურესი“-ს და შპს „ვარდნილქესების კასადი“-ს მიერ ISO- ს სტანდარტის დანერგვის მომსახურების შესყიდვის (SPA180007530) თაობაზე გასაფორმებელი ხელშეკრულების საფუძველზე (შემდგომში „ხელშეკრულება“) პრინციპალის მიერ ბენეფიციარის წინაშე ნაკისრი ვალდებულების უზრუნველყოფა.
გარანტიის თანხის მოთხოვნის უფლება: „გარანტი“ კისრულობს ვალდებულებას, ამ საბანკო გარანტიის წერილის პირობების გათვალისწინებით, პირველივე წერილობითი მოთხოვნის მიღებიდან 5 (ხუთი) სამუშაო დღის¹ ვადაში „ბენეფიციარს“ გადაუხადოს მოთხოვნაში მითითებული თანხა, მაგრამ არაუმეტეს გარანტიის თანხისა.
1. სამუშაო დღე - კალენდარული დღე, გარდა შაბათისა, კვირისა და საქართველოს კანონმდებლობით განსაზღვრული უქმე დღეებისა.
საგარანტიო თანხის შემცირება: ბენეფიციარმა წერილობით მოთხოვნაში (რომელიც ხელმოწერილი უნდა იყოს უფლებამოსილი პირის მიერ) აუცილებელი წესით უნდა მიუთითოს იმ გარემოების შესახებ თუ რაში გამოიხატება პრინციპალის მიერ ვალდებულების დარღვევა. წერილობითი მოთხოვნა თანდართულ დოკუმენტებთან ერთად (წინამდებარე გარანტიით გათვალისწინებული რაიმე სახის დოკუმენტის წარმოდგენის აუცილებლობის განსაზღვრის შემთხვევაში) წარდგენილ უნდა იქნეს ს.ს. "თიბისი ბანკის" მარჯანიშვილის ფილიალის კანცელარიაში სამუშაო საათებში. საგარანტიო თანხა მცირდება "პრინციპალის" ვალდებულების დოკუმენტალური და ბენეფიციარის მხრიდან წერილობით დადასტურებული შესრულების პროპორციულად.
გარანტიის მოქმედების ვადა: 07 აპრილი 2020-ის ჩათვლით. მოთხოვნა გარანტიაზე გადახდის შესახებ "ბენეფიციარის მიერ წარმოდგენილ უნდა იქნას ამ თარიღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი "ბენეფიციარის" წერილობითი მოთხოვნა "პრინციპალის" შეუსრულებელ ვალდებულებაზე მითითებით, თანდართული "ხელშეკრულების" ასლითა და წინამდებარე გარანტიით გათვალისწინებული სხვა დოკუმენტით (წინამდებარე გარანტიით ასეთის წარმოდგენის აუცილებლობის განსაზღვრის შემთხვევაში), მაშინ გარანტიის მოქმედება წყდება (ბენეფიციარის მოთხოვნის წარმოდგენილობის შემთხვევაში საბანკო გარანტია ავტომატურად უქმდება მისი მოქმედების ვადის გასვლით).

საბანკო გარანტია ზემოაღნიშნულის გარდა ასევე უქმდება შემდეგ შემთხვევებში:

- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე წერილობითი უარის თქმით და საბანკო გარანტიის დედნის გარანტიისთვის დაბრუნებით;
- პრინციპალის მიერ საგარანტიო ვალდებულებების სრულად შესრულებით, რომელიც წერილობით დადასტურებული უნდა იქნას ბენეფიციარის მიერ.

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო-სამრეწველო პალატის მიერ დადგენილი უნიფიცირებული წესები მოთხოვნამდე გარანტიებზე (პუბლიკაცია #758).

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი ნინო წერეთელი

